



UNIVERSITÄTS-  
BIBLIOTHEK  
PADERBORN

# **L' Histoire Du Vieux Et Du Nouveau Testament**

**Fontaine, Nicolas**

**Paris, 1686**

Zambri se brûle.

---

[urn:nbn:de:hbz:466:1-68433](https://nbn-resolving.org/urn:nbn:de:hbz:466:1-68433)

moy, afin que nous mangions ensemble. Il le trompa par cet artifice, & il le fit venir avec luy. Mais comme ils estoient tous deux à table, ce faux Prophete inspiré de Dieu, dit à l'autre qu'il avoit séduit. Parce que vous n'avez pas obeï à Dieu, & que vous avez mangé ici contre sa défense, vous ne ferez point ensevely avec vos peres. Cela se trouva vray bien-tost après. Car lors qu'il s'en retournoit sur son Asne, un Lion le vint étrangler sans toucher davantage à son corps mort, ny à son Asne, qui se tenoient l'un & l'autre auprès du Prophete mort. Saint Gregoire remarque que ce Prophete de Dieu avoit eu quelque secrette complaisance dans les grandes choses qu'il venoit de faire, en frappant ainsi, & en guerissant ensuite le Roy, & luy parlant avec tant de liberté: Que cette gloire qui l'éleva causa un obscurissement dans son ame, puis qu'au lieu de demeurer ferme à ne point violer la Loy de Dieu, ni à interpreter ses ordres, il se laissa séduire par un faux Prophete, qui le jeta dans la desobeissance, & par la desobeissance dans la mort, Dieu l'ayant puni ainsi d'une peine passagere dans le corps, afin de conserver éternellement son ame.

*Zambri se brûle.* 3. Rois 16.

L'An  
du M.  
3075.  
Avant  
J. C.  
929.

**J**Eroboam ayant commis les impiétez que nous avons veuës, mourut enfin après avoir regné vingt-deux ans. Il eut toujours guerre avec Roboam, contre lequel il s'estoit revolté. Nadab son fils luy succeda, qui ne regna que deux ans, parce que Baasa luy ravit bien-tost le royaume. Ce fut ce Baasa qui excita de cruelles guerres contre le pieux Afa Roy de Juda, fils de l'impie Abias qui avoit regné avant luy aussitost après Roboam son pere. Mais Dieu voulant recompenser Afa de la pieté qu'il témoignoit envers luy, & du soin qu'il avoit d'exterminer les idoles de tout Juda, pour y rétablir son culte, il le rendit victorieux de ses ennemis, & luy fit remporter plusieurs victoi-



victoires sur Baasa Roy d'Israël, qui luy faisoit toujours la guerre, & qui n'estoit pas moins impie que ses prédecesseurs Jeroboam & Nadab. Aussi Jehu le Prophete du Seigneur vint l'avertir de tous les maux qui arriveroient à luy & à sa race après luy. Baasa mourut bien-tost après ces menaces du Prophete, & laissa le royaume à son fils Ela, qui commença par le meurtre de Jehu, à cause des prédictions qu'il avoit faites à son pere & à toute sa posterité. Mais il ne regna que deux ans: car Zambri qui commandoit une partie de ses armées se revolta contre luy & le tua lors qu'il estoit à la table. Zambri se fit aussi-tost déclarer Roy, quoy qu'il ne jouit pas long-temps d'un royaume qu'il avoit acquis par une si cruelle perfidie. Car Amri qui commandoit l'autre partie des armées d'Ela fut aussi élu Roy par tous ses soldats; & voulant porter plus avant par son courage ce qu'il croyoit que la fortune luy offroit sans qu'il y pensast, il se resolut d'aller attaquer Zambri dans la ville de Thersa où il s'estoit fortifié. Cet usurpateur se voyant pressé

si vi-

fi vivement, ne fut pas moins cruel contre luy-mesme qu'il l'avoit esté contre Ela son maistre: car il fit mettre le feu dans son Palais, & s'y brûla luy-mesme avec toute sa famille. Il mourut, dit l'Ecriture, dans ses pechez & dans toutes les impietez qu'il avoit commises en suivant les traces de Jeroboam, qui avoit fait tomber Israël dans l'idolatrie. Dieu fit voir en cet exemple combien les Tyrans luy déplaisent. Luy qui pouvoit vivre heureux en se contentant du degré d'honneur où ses services l'avoient élevé, devint malheureux au moment mesme que son ambition le porta à oster cruellement la couronne au Roy qu'il avoit servy. En sept jours il perdit avec la vie le royaume qu'il avoit si injustement usurpé; & sa conscience luy reprochant sans cesse son crime, il se condamna luy-mesme à estre brûlé, & à exterminer de la terre avec luy toute la race d'un pere si impie envers Dieu & si infidelle envers son Prince.

*Corbeaux d'Elie. 3. Rois 17.*

Envi-  
ron l'an  
du M.  
3092.  
Avant  
J. C.  
922.

**A**Mri estant devenu paisible Roy d'Israël par la mort de Zambri qui s'estoit brûlé luy-mesme, regna pendant douze ans, & laissa le royaume à son fils Achab, qui passa en impieté, dit l'Ecriture, tous les autres Rois ses prédecesseurs. Sa malice naturelle s'augmenta encore de beaucoup par l'alliance de Jezabel sa femme, qui estoit fille du Roy des Sydo-niens. Il porta si loin ses crimes enormes, que Dieu resolut de les punir par une secheresse de trois ans, qu'il fit prédire à Achab par le Prophete Elie. Ce fut alors que Dieu commença à signaler pour la premiere fois ce saint homme, qu'il eut soin de nourrir durant cette sterilité d'une manière miraculeuse. Car il l'envoya au torrent de Carith, où les corbeaux luy apportoient au soir & au matin du pain & de la viande. Mais la longue secheresse ayant enfin fait tarir l'eau de ce torrent, Dieu commanda à ce Prophete d'aller